

# 佛說伏姪經

西晉沙門法炬 譯



南無本師釋迦牟尼佛

## 說明

本繁體校正版《佛說伏姪經》電子書，根據《乾隆大藏經》小乘阿含部，第 0568 部，西晉沙門法炬譯《佛說伏姪經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年一月



掃碼關注仁慧草堂微信公眾號



## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三編)

唵. 修唎. 修唎. 摩訶修唎. 修修唎. 薩婆訶

### 淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

### 安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

## 普供養真言

(三編)

唵. 誡誡曩. 三婆嚩. 禡日囉斛

南無本師釋迦牟尼佛 (合掌三稱)

## 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 佛說伏姪經

西晉沙門法炬 譯

聞如是：

一時，婆伽<sup>1</sup>婆在舍衛城，祇樹，給孤獨園。

彼時，居士阿那邠祁至世尊所，到已禮世尊足，却住一面。阿那邠祁居士却住一面已，白世尊曰：「唯，世尊！世間有幾伏姪而可知者？」

「汝居士，世間有十伏姪。云何為十？此居士，或一伏姪，非法行姪干彼，非法求姪干無所方便為苦已，亦不自安身，亦不安父母及妻子、客使奴婢、沙門、婆羅門，不有益事。為善得善，得生天上。如是，居士，是一伏姪。

「復次，居士，或一伏姪，非法求姪干<sup>2</sup>，非法求姪干已，自安身、父母妻子、客使奴婢，而不施沙門、婆羅門。為善得善，身生善處。如是，居士，是一伏姪。

「復次，居士，或一伏姪，非法求干<sup>3</sup>，非法求干已，自安隱身、父母妻子、客使奴婢，能施沙門、婆羅門。為善得善，身生善處。如是，

<sup>1</sup> 大正藏：加

<sup>2</sup> 大正藏：干彼；永樂北藏及龍藏：干

<sup>3</sup> 大正藏：干彼；永樂北藏及龍藏：干



居士，是一伏姪。

「復次，居士，或一伏姪，如法求財，彼如法求財已，不自安樂身，不為父母、不為妻子、不為奴婢，亦不施沙門、婆羅門。為善得善，身生善處。如是，居士，是一伏姪。

「復次，居士，或一伏姪，如法求財，彼如法求財已，而自安樂身及父母、妻子、奴婢，不施與沙門、婆羅門。為善得善，身生善處。如是，居士，是一伏姪。

「復次，居士，或一伏姪，如法求財，彼如法求財已，而自安樂身及父母、妻子、奴婢，施與沙門、婆羅門。為善得善，身生善處。如是，居士，是一伏姪。

「復次，居士，或一伏姪，如法求財不干彼，如法求財不干已<sup>4</sup>，亦不自安樂身，亦不施<sup>5</sup>父母、妻子、奴婢，亦不施與沙門、婆羅門。為善得善，身生善處。如是，居士，是一伏姪。

「復次，居士，或一伏姪，如法求財不干彼，如法求財不干已，自得安樂身及父母、妻子、奴婢，亦不施與沙門、婆羅門。為善得善，身生善

<sup>4</sup> 大正藏：不干已；永樂北藏及龍藏：已不干；校勘：不干已

<sup>5</sup> 大正藏：為

處。如是，居士，是一伏姪<sup>6</sup>。

「復次，居士，或一伏姪，如法求財不干彼，如法求財不干已，自得安樂身及父母、妻子、奴婢，不施沙門、婆羅門。為善得善，身生善處。如是，居士，是一伏姪。

「復次，居士，或一伏姪，如法求財不干彼，如法求財不干已，自得安樂身及父母、妻子、奴婢，施與沙門、婆羅門。為善得善，身生善處。彼得錢財，於中染著、極染著，不見禍變，亦不知棄，而貪食之。如是，居士，是一伏姪。

「復次，居士，或一伏姪，如法求錢財不干彼，如法求錢財不干已，自得安隱身及父母、妻子、奴婢，施與沙門、婆羅門。為善得善，身生善處。彼得錢財，亦不染亦不著，亦不於中樂，亦不於中住，亦知是禍變，亦能棄捨而食之。如是，居士，是一伏姪。

「此居士，彼或一伏姪，非法求錢財干彼，非法求錢財干已，亦不自安隱身，亦不安隱父母、妻子、奴婢，亦不施與沙門、婆羅門。為善得善，身生善處。是為，居士，如是伏姪伏姪，我說此

<sup>6</sup> 此段經文大正藏無，但永樂北藏及龍藏中有，且與下段經文內容同，經文中開示“十伏淫”，而永樂北藏及龍藏本後展開的是“十一伏淫”，疑是製版內容重複錯誤。



弊惡。

「此居士，或一伏姪，非法求錢財干彼，非法求錢財干已，自安隱身及父母、妻子、奴婢，不施與沙門、婆羅門。為善得善，身生善處。此居士，此伏姪此伏姪，此小勝小勝。

「此居士，彼或一伏姪，如法求錢財不干彼，如法求錢財不干已，自得安樂身及父母、妻子、奴婢，施與沙門、婆羅門。為善得善，身生善處。彼得錢財，不染不著，不持不樂，知<sup>7</sup>是禍變，棄捨離而食之。如是，居士，食姪最勝最妙、最上最好、無上勝。猶若，居士，有牛乳，因乳有酪，因酪有醍醐，因醍醐有酥，因酥有酪<sup>8</sup>，此是最勝、最上<sup>9</sup>妙、無上說。如是，居士，此諸伏姪如是伏姪，最勝、最妙、極妙最上、無上無上。說頌偈曰：

非法聚錢財	如法如法施
不施不食之	亦不施為福
二俱為慳濁	惡行食此姪
如法求錢財	欲以施為福
亦施及食之	亦能作福德

<sup>7</sup> 大正藏：知；永樂北藏及龍藏：如；校勘：知

<sup>8</sup> 大正藏：酪酥；永樂北藏及龍藏：酪

<sup>9</sup> 大正藏：最；永樂北藏及龍藏：最上



二俱不慳濁 皆有此伏姪  
有能行智慧 伏姪隨所行  
知變有知足 知足而食之  
有能行智慧 最妙能伏姪

佛如是說。居士阿那邠祁聞世尊所說，歡喜而樂。

佛說伏姪經

## ● 結誦儀

### 補闕真言

(三編)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛那. 吽. 潑抹拏. 娑  
婆訶.

### 補闕圓滿真言

(三編)

唵. 呼嚧呼嚧. 社曳穆契. 莎訶

## 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉  
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

## 禮佛發願文

(一編)

歸命十方調御師 演揚清淨微妙法  
三乘四果解脫僧 願賜慈悲哀攝受

但 (某甲) 自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。



所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉痾；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

## 迴向偈

(一編)

願以此功德 普及於一切  
我等與眾生 皆共成佛道

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪



南无护法韦驮尊天菩萨

